

Chindoto na Amaroro

Chumapili, 6.11.2016

Obochenu ase Omotongi O Kare na Kare!

CHINDOTO NA AMARORO

na

Jeanine SAUTRON

EKANISA YA FILADELFIA,

“ENTIGARI,”

eyio erendete AMACHIKO

a NYASAE, amo N'ESABATO YE

RITUKO RIA GATANO

NA KABERE, CHUMAMOSI,

NA OKWEGENA KWA YESO.

OKWEGENA KWA YESO:

NIGO KORE OMOIKA

BW'OBOBANI.

(1) **EBIKOMBE BITANO NA
KEMO BI'ENDAMWAMU YA NYASAE
BAITEIRWE IGORO ASE ENSE.
EGEKOMBE KIA GATANO NA
KABERE NIGO KEGANYETE.**

Chindoto na Amaroro

Egesieri 520-1, Oborori Namba 1

Oborori

(2) Ase oborori, omotomwa one agantebia, “Inchuo, mbwatie. Igoro ngokoirira koreng'ana buna YESO aboretie.

(3) Tinachi korora kende gionsi naende igoro ase ense. Ngaika igoro inkenyora nde amo nabamalaika.

(4) Omotomwa one agantebia, “Egento ki'engencho enene nkegendererete koariganigwa aiga.”

(5) Nigo nareng nabalalaika ba igoro. Nigo banyariganetie buya. “Aye nigo okorokwa Jeanine; kwaariganigwe ase egati yaito!

(6) Ase oborori, nkarora egento gete gekoariganigwa. Ebirogo bi'obogambi bikabangwa, na abagaka abakoro bagaikaaransa igoro ase ebirogo ebi.

(7) Inkarora omomalaika omotambe, na omoseera. Nigo areng omomalaika oyio orange ase obokoreri. Nigo ateneine ang'e mono nabagaka aba abakoro.

(8) Boigo nkarora ebitongwa biria bine (4) bire moyo. Erio, nyuma ekero kera egento giaikeranire, nkarora omosangererekano bwa abamalaika, nebirogo bi'obogambi.

(9) Nyuma ekero kera egento giaikeranire ki'egekwanano eke, nkaigwa eriogi ri'amache amange, ne chindumo chie chinkoba:

(10) Bwango enkoba ye chinguru egaaka ekero nareng ase omosangererekano bw'abamalaika. Abamalaika bagatenena na bagateba:

**“Alleluya! Omonene Nyasae,
aye nigo ore omonyene oboronge
ase okonacha ebina biao.”**

(11) Egekwanano kegachaka.

(12) Nigo nareng koiguswa ase omosangererekano oye bw'abamalaika.

(13) Nyuma y'ogoaka oko gw'enkoba ere ne chinguru, omotomwa one agantebia, “Chinkoba isano nchitigarete chikobwatia eye.” – Nigo nareng koiguswa, egekogera konyora natiekire koigwa okobua gw'enkoba entang'ani.

(14) Ogokira gw'okorengereria kwa beene gokaba igoro. Eriogi rigantebia,

“Obuya bwane bwagoisanire.”

OBORORI

Ebitaabo bitano na kemo bi'endamwamu ya Nyasae

⁽¹⁵⁾ Nyuma ye chinkoba echi isano nemo, nkarora ase oborori abamalaika batano na babere, kera eyomo nigo abwate egetureri gi'etahabu, na nigo arenge gokebugia.

⁽¹⁶⁾ Nkarora ng'a abwo ritang'ani mbatano nomo (6) konyora babugirie egetureri. Omomalaika o gatano nakabere (7) oyobwate egetureri kia gatano na kabere (7) nigo atimogete, na nigo aganyete.

Chindoto na Amaroro

Egesieri 520-1, Oborori Namba 2

⁽¹⁾ Inkairana ase oborori amo nabagaka abakoro emerongo ebere na bane (24) nomosangererekano bw'abamalaika.

⁽²⁾ Ang'e mono nabagaka aba abakoro emerongo ebere na bane (24), bosio bwabo omomalaika orange ase obokoreri akabeka ebitaabo bitano na bibere (7) bi'etahabu inse,

⁽³⁾ Nkarigereria gochia ang'e mono ne bitaabo ebi bitano na bibere (7). Kende tikiarengi ime yabo. Eriogi ri'amakano nigo riarengi kobuga ng'ora ng'ora.

⁽⁴⁾ Ogokira okonene mono na kwa beene gokaba igoro . Ogokira kw'enusu ensa, erio bwango mono eriogi rikaigwekana na rigateba iga,

⁽⁵⁾ **“Amaakwa y'endamwamu ya Nyasae achakire ime ase obomenyo obochenu bwa Nyasae oito na Omonene oito. Ebinyugwa bi'ebitaabo bitano na bibere (7) biabekirwe ang'e. Ngochi bire koumorwa igoro ase ense, endamwamu ya Nyasae oito na Omonene oito.”**

⁽⁶⁾ Ase amang'ana aya, abagaka baria abakoro emerongo ebere na bane (24) bakaimokereria amariogi abo ase oboamo, bagoteba,

⁽⁷⁾ **“Aye noisaine, Omonene, Nyasae oito, korwa amaakwa aya. Nigo ere ense ya Sodomu na Gomora. Aye noisaine korwa amaakwa aya.”**

⁽⁸⁾ Inkarora oyomo bw'abagaka abakoro ogotobia omomalaika orange ase obokoreri agende ase obomenyo obochenu achie kaira ebinyugwa ebio YESO abekire ang'e, na ebio bire tayare. —

Omomalaika oyo akaigwera na akagenda.

⁽⁹⁾ Igoro ekaba ekirete kiri. Nigo kiarengi egento ki'engengo mono naende kia beene.

OBORORI

⁽¹⁰⁾ Nyuma y'engaki eye y'obokiruru, nkarora omomalaika orange ase obokoreri ogocha korwa ase obomenyo obochenu, na akarenta ebinyugwa ebi ime y'endoo y'etahabu, na agakeumora ime ase egetaabo egetang'ani gi'etahabu.

⁽¹¹⁾ Abagaka abakoro emerongo ebere na bane (24) bagateba,

“Aye noisaine, Nyasae oito, Omonene oito, korwa amaakwa aya.”

⁽¹²⁾ Nkarora omomalaika oyo orange ase obokoreri naende okogenda ase obomenyo obochenu gochia kwoyia ekenyugwa gia kabere, ekio kiaroisigwe na YESO, omwana o Nyasae. Nkamorora ogocha nendoo y'etahabu, na agakeumora ase egetaabo gia kabere.

⁽¹³⁾ Erio akagenda na akairana, na akagenderera gokora iga goika ebitaabo bitano na bibere bigaichora.

⁽¹⁴⁾ Omomalaika oyo omotambe, oyio oringete chimbaba chiaye gochia magega, akagenda ase obomenyo obochenu. Kera engaki nigo arengi koirana korwa ase obomenyo obochenu obwate ekenyugwa kere ase endoo y'etahabu na ogekenonora gochia ase ebitaabo bitano na bibere (7) bi'etahabu bi'endamwamu ya Nyasae. Nao biarengi inse bosio bw'ebirogo bi'ebigambero bi'abagaka abakoro emerongo ebere na bane (24) na ebitongwa bine (4) bire moyo.

OBORORI

⁽¹⁵⁾ Kera engaki omomalaika oyo arengi koumora ekenyugwa eke, nigo narengi koiguswa. Nkarora ng'a ekero arengi koumora ekenyugwa ase egekombe chinguru chi'ekenyugwa nigo chiarengi komwakera inse. Nigo arengi korutwa gochia magega ogwa nse, egekogera ekenyugwa nigo kiabwate chinguru chinyinge, chinyinge mono.

⁽¹⁶⁾ Ekero are koumora ekenyugwa ase egetaabo

kende, inkarora keria kiare gosoka korwa ase egento eke ekerito kenga erongori, nigo chiare chinsase chinke chi'omoreru, emeika, nerioki, na korwa ase egetaabo eke iga chinsase chi'omoreru nigo chiare gotira gochia igoro. Ngatengechigwa.

⁽¹⁷⁾ Inkarora egetaabo kende egati y'ebitaabo bitano na bibere (7). Omomalaika orange ase obokoreri, ekero arenge kumora ekenyugwa gochia ime yaye, nigo are gokumia. Ase engencho y'ogotioka okobe mono gw'esumo embe mono. Tareng ayeyane. Nigo akumetie ase engencho y'omoika oyo oichire ase egetaabo eke, oyio orange kogera oborwa omorembe. Nigo are kororekana oyokumetie.

⁽¹⁸⁾ Abagaka baria abakoro emerongo ebere na bane (24) bakamotobia ng'a obokoreri tiboraera, goika aganye goika omoerio; na nigo bareng komoremia.

⁽¹⁹⁾ Bakaimokereria amariogi abo amo na bagateba,

“Kwagweneire, Omonene, ase okorwa amaakwa aya. Omonene, Nyasae oito, aye kwagweneire.”

Chindoto na Amaroro

Egesieri 520-1, Oborori Namba 3

OBORORI

⁽¹⁾ Nyuma ekero ebitaabo bitano na bibere (7) biaichoire nendamwamu ya Nyasae, nkagenda ase oborori.

⁽²⁾ Omoika one okairana gocha ase ense. Omotomwa one akambeka inse ase ebitei. Nigo areng ensemo asende.

⁽³⁾ Nkarora ebitei bibwate amaoga akwemeria oka, nemetana ye chinchoke emenge mono.

⁽⁴⁾ Ase oborori, nkarora ime y'emetana eye chinchoke nigo chiabwate obwoba obonene; nigo chiachandegete, nigo chiareng gokwa; emetana nigo yareng gokwa bosio bwane.

⁽⁵⁾ Nigo biareng omoika, nobosongo, ebio biaiteretwe gochia ime y'ebitaabo ebi, nabio biareng goita chinchoke ne chinyoni chi'erioba

igoro ase ense. Chinyoni na kera egento kiareng konyorwa igoro ase ense na ime ase enyancha nigo biareng gokwa, boigo nebinto binga ebicare bikoroisigwa nebitongwa ebisinini bire ime y'enyancha.

⁽⁶⁾ Endamwamu konyora yachakire gokora enkore. Nkorokigwa ng'a chinchoke nachio chirabe chintang'ani gokwa. Nachio chirabe chintang'ani gosira korwa ase ense, abwo ase abamenyi b'ense batarochi kende. Obooke bwabo bwabekirwe eubi nobosongo. Nigo ere enchara.

OBORORI

⁽⁷⁾ Nkairana gochia ase oborori inde nomotomwa one. Akambeka bosio bw'egekwano gi'okomanyia abamenyi ba igoro ng'ora ng'ora igoro y'ebitaabo bitano na bibere (7), ebitereri bitano na bibere (7), ne chinkoba isano na ibere (7).

⁽⁸⁾ Nkarora ebitaabo bitano na bibere (7) bigenderete koba inse. Abagaka baria abakoro emerongo ebere na bane (24) bakarwa ogochika oko gochia ase omomalaika orange ase obokoreri, abugie egetureri gi'etahabu. Eriogi eri nigo riareng ne chinguru nokobua okonene.

OBORORI

⁽⁹⁾ Ase oborori obo, nkarora abanto batano na babere (7) bagocha. Abanto aba batano na babere (7) nigo bareng abatambe, besogete chianga chindabu, norokini rw'etahabu nigo rwachaberete egekuba kiabo.

⁽¹⁰⁾ Bagacha na bakebeka abanyene bosio bw'ebirogo bi'obogambi bi'abagaka abakoro emerongo ebere na bane (24). Nkarora omomalaika oyo, oyio orange ase obokoreri bw' ebitaabo bitano na bibere (7), okoa kera oyomo obo egetaabo ki'endamwamu ya Nyasae, biichire nebinyugwa.

⁽¹¹⁾ Abagaka abakoro emerongo ebere na bane (24) bakabaa ogochika oko, bagende ase obomenyo obochenu nebitaabo ebi bi'endamwamu, ebi biichire nebinyugwa ebi, erio Yeso abae omoroberio omoikeranu bw'orogendo rwabo igoro ase ense, nase bagochia kumora ebinyugwa ebi.

Ebitaabo bitano na kemo bi'endamwamu ya Nyasae

(12) Bagasoka korwa bosio bw'ebirogo ebi bi'obogambi bi'abagaka abakoro na bakagenda ase obomenyo obochenu.

Chindoto na Amaroro

Egesieri 520-1, Oborori Namba 4

(1) Ase oborori obo, nkarora egetaabo kia gatano na kabere (7) ki'endamwamu ya Nyasae kere inse, ekio gioka giatigarete bosio bw'abagaka aba abakoro. Nigo narenge ase obonene bw'engaki eye. Nkarora okobua kw'obonene gokomesa igoro ase egetaabo kia gatano na kabere (7) erio ndore egetaabo eke gi'etahabu kiarenge inse.

(2) Bwango, nkarora omomalaika oyo bw'obokoreri ogoika. Obosio bwaye nigo bware kororekana bobo mono na borosete. Nigo abwate endoo na akaumora ekenyugwa ime y'egetaabo kia gatano na kabere (7), na akageichoria.

(3) Nkamorora okoumora ekenyugwa kiabwate erangi maroba. Ekeru arenge gokeumora nkarora ng'a engaki yairetwe gokoora koumora ekenyugwa eke nigo yarenge entambe. Agakora bo mara gatato (3).

(4) Nyasae one, mborori ki obo! Oborori bwa beene. Obotoeruru bokaba aroro bw'enusu ensa.

(5) Ekeru emeremo yaye yaerete y'ebitaabo ebi bitano na bibere (7) bi'endamwamu ya Nyasae, omomalaika oyo akebeka omonyene bosio bw'egetaabo kia gatano na kabere (7) ekio kiarenge inse, akaigora chimbaba chiaye ase bonene obo bwa Nyasae nase oborabu bwa igoro.

(6) Chimbaba chiaye chiramboire, agatugama inse bosio bw'egetaabo kia gatano na kabere (7) geichire nendamwamu ya Nyasae, agakumba omotwe oye na akamiamia, buna oyo orengereretie mono. Agakora eke iga nesiko enene mono, na akaringania chimbaba chiaye chinene igoro ase egekombe eke atari kogekuna. Agatigara egeka geke ore iga. – Nigo narenge koiguswa.

(7) Nkaigwa eriogi ime ase amato aane,

“Obuya bwane bwagoisanire.”

(8) Obokiruru bw'obotoeruru, bwa beene bokaba

engaki omomalaika oyo arengereretie igoro y'egetaabo eke kia gatano na kabere (7), obokiruru bw'enusu ensa.

(9) Erio obokiruru obo bokaera goetera ase amang'ana y'abagaka abakoro emerongo ebere ba bane (24),

“Kwagweneire, Omonene, Nyasae oito, ase okorwa amaakwa aya. Aye kwagweneire, Omonene, Nyasae oito.”

(10) Erio omomalaika oyo omoseera bw'obokoreri agatenena gochia magega na akabogoria egetaabo kia gatano na kabere (7) ase oborendi obonene mono na akaa omonto o gatano na kabere (7), oyio bw'esogete chianga chindabu, norokini rw'etahabu ase egekuba kiaye igoro.

(11) Nyuma y'okonyora egetaabo eke kia gatano na kabere (7) korwa ase okoboko kw'omomalaika orenge ase obokoreri, omomalaika bw'ebetureri kia gatano na kabere agakebugia. Erio enkoba ya gatano na kabere (7) ekagukura.

(12) Nkarora abagaka abakoro emerongo ebere na bane (24) bakorwa ogochika oko ase omonto oria bwesogete chianga chindabu norokini rwetahabu, agende ase obomenye obochenu erio Yeso, omwana o mwanyabanto, amoe omoroberio omoikeranu bw'orogendo rwaye, enchera yaye, erio agenda aumore egetaabo kia gatano na kabere (7) igoro ase ense.

(13) Nkarora omonto oyo okogenda buna atebetigwe. Ngasiria oborori bw'engaki eye iga ya beene.

(14) Bono tinachiete koba namaroro ande onsi igoro y'egetaabo eke kia gatano na kabere (7). Ebitaabo ebi bitano na bibere (7) bionsi konyora bianyorire ebinyugwa biabo. Tinchieti korora naende abanto aba batano nomo (6) amo nebitaabo ebi bitano na kemo (6) bi'endamwamu ya Nyasae.

OBORORI

(15) Omotomwa one agantebia, “Inchuo, mbwatie. Nkogenda tore ase obomenyo obochenu. Omonto oyo iga bw'egetaabo kia gatano na kabere (7) nao

agakare igoro aaria.”

⁽¹⁶⁾ Tinchieti korora abagaka aba abakoro, nebitongwa bine (4) bire moyo na omosangererekano bwa abamalaika. Nigo narengese obomenyo obochenu nomotomwa one, bosio bw’egesieri giase.

⁽¹⁷⁾ Ekeron naigete aroro, nkarora omonto oyo bwesogete chianga chindabu norokini rw’etahabu, nigo arengese egesieri giasie ki’obomenyo obochenu. Tachiete gosoa na nigo aganyete isiko, obogoretie egetaabo kia gatano na kabere (7).

⁽¹⁸⁾ Omotomwa one akaigora ebirengererio biane igoro y’egetaabo kia gatano na kabere (7): “Rigereria, noroche, nigo akebwatete bokong’u ma, bokong’u ma. **Ekeron ekenyugwa eke keraiterwe, oyio nomoerio. YESO nache kwoyia omoriakari oye.** Nasoke korwa aase

aachenu mono. Eke iga nigo kerabe nyuma ekero egetaabo eke kia gatano na kabere (7) giaiteirwe igoro ase ense, YESO nasoke korwa aase aachenu mono, nasoke korwa ase obomenyo obochenu. Abachenu mbamenye batabwati omosaberi.”

⁽¹⁹⁾ Erio akang’ira ime y’obomenyo obochenu na agantiga aase aya.

⁽²⁰⁾ Ekeron nasoete ase obomenyo obochenu, omotomwa one agantebia, “Nkogotiga nde aase aya. YESO, omwana o Nyasae, ngochare gokwoyia. Namanyete ng’a nao ore aiga. Tibwoboa.”—Nigo narengese koiguswa. Nigo narengese inche bweka imorigereretie buna akogenda.

Jeanine Sautron